

華夷花木鳥獸珍玩考

華夷鳥獸考卷之七

吳興郡山人慎懋官撰

鳳

孔演圖曰鳳火精也毛詩草蟲經曰雄曰鳳雌曰皇其雛爲鸞鸞或曰鳳皇一名鸞鸞一名鷗毛詩疏曰鳳非梧桐不棲非竹實不食論摘衰聖曰鳳有六像九包六像者一曰頭像天二曰目像日三曰背像月四曰翼像風五曰足像地六曰尾像緯九包者一曰口包命二曰心合度三曰耳聽達四曰舌詘伸五曰彩色光六曰冠矩州七曰距銳鈎八曰音激揚九曰

腹戶行鳴曰歸嬉土鳴曰提扶夜鳴曰善哉晨鳴曰

賀世飛鳴曰郎都知我唯黃持竹實來故子欲居九

夷從鳳嬉宋均曰緯五緯也度天也州當木朱色也

通理也鳳遇亂則潛居九夷許慎說文曰鳳神鳥也天老曰鳳像

麟前鹿後蛇頸而魚尾龍文龜背鸞領鷄喙五色備

舉出東方君子之國翱翔四國之外過崑崙飲砥柱

濯羽弱水暮宿丹宮見則天下大安寧字從鳥九聲

也鳳飛則羣鳥從以萬數也

千金毛

王子年拾遺記曰周昭王以青鳳之毛爲二表一曰

煥質一曰暄肌常以禦寒至厲王本猶寶此物及厲  
王流于彘人得而珍之罪有陷大辟者以青鳳毛贖  
罪免死片毛則准千金

烏鳳

如喜雀色紺碧頸毛類雄雞鬃頭有冠尾垂二弱骨  
各長一尺四五寸其杪始有毛羽一簇冠尾絕異大  
畧如鳳鳴聲清越如笙簫然度曲妙合宮商又能爲  
百蟲之音生左右江溪洞中極難得然書傳未之紀  
當由人罕識云

山鳳凰

狀如鵝鴈嘴如鳳巢兩江深林中伏知時雄者以木  
枝雜桃膠封其雌于巢獨留一竅雄飛求食以飼之  
子成卽發封不成則窒竅殺之此亦異物然未之見  
也

桐花鳥

劍南彭蜀間有鳥大如指五色畢具有冠似鳳食桐  
花每桐結花卽來桐花落卽去不知何之俗謂之桐  
花鳥極馴善止於婦人釵上客終席不飛人愛之無  
所害也 土人畫桐花鳳扇

九色鳥

軒渠其國多九色鳥青口綠頸紫翼紅膺紺頂丹尾  
碧身細背玄尾亦名九尾鳥亦名錦鳳其青多紅少  
謂之繡鸞常從弱水西來或云是西王母之禽也

白鸚鵡

大如小鵝亦能言羽毛玉雪以手撫之有粉粘著指  
掌如蛺蝶翅

陁洹國在墮和羅西北大唐貞觀中遣使獻鸚鵡  
毛羽皓素頭上有紅色數十莖與翅齊

黃鸚鵡

雲南鎮守太監遣人往百夷求得黃鸚鵡邀巡撫雲

南都御史王恕進獻

鸚鵡歌

鸚鵡大而白色遠出西洋鸚歌小而毛羽鮮明海南暹國真臘地悶耆婆諸番皆有其種有十餘西洋遠番多不能言廣人望而知其所生之地焉

近海郡尤多民或以鸚鵡爲鮮又以孔雀爲腊皆以其易得故也此二事載籍所未紀自余始志之南人養鸚鵡者云此物出炎方稍北中冷則發瘴噤戰如人患寒熱以枳子飼之則愈不然必死

鸚鵡瘴

廣之南新勤春十州呼爲南道多鸚鵡凡養之俗忌以手頰觸其背犯者卽多病鸚而卒土人謂爲鸚鵡瘡愚親驗之

秦吉了

如鸚鵡紺黑色丹喙黃距目下連頂有深黃文頂毛有縫如人分髮能人言比鸚鵡尤慧大抵鸚鵡如兒女吉了聲則如丈夫出邕州溪洞中唐書林邑出結遼鳥林邑今占城去邕欽州但隔交趾疑卽吉了也赤白吉了

普寧有廉州民獲赤白吉了各一頭獻于刺史者其



赤者尋卒白者久而能言

西域南天竺獻五色能言鳥

婆利國有鳥名舍利解人語

### 孔雀

生高山喬木之上人探其雛育之喜卧沙中以沙自浴枸枸甚適雄者尾長數尺生三年尾始長歲一脫尾夏秋復生羽不可近目損人飼以猪腸及生菜惟不食菘

一說孔雀不足偶但音影相接便有孕如白鴉雌雄相視則孕或曰雄鳴上風雌鳴下風亦孕見博

物志宋紀曰孝武大明五年有獻白孔雀爲瑞者

鶴

宋沈括云鶴惟華亭之鶴窠村所出爲得地他雖有

此格也

平涼府華亭縣

江陵鶴澤澤中多鶴因以名郡

詩義疏曰鶴大如鵝長三尺脚青黑高三尺餘赤頰

赤目喙長四寸多純白亦有蒼色蒼色者今人謂之

赤頰常夜半鳴其鳴高朗聞八九里唯老者乃聲下

今具人園中及士大夫家皆養之鷄鳴時亦鳴繁露

曰鶴知夜半

鶴木鳥也夜半水位感其生氣則益喜而鳴

鶴所以壽者無

死氣於中也相鶴經曰鶴者陽鳥也而遊於陰因金

氣依火精以自養金數九火數七故七年小變十六  
年大變百六十年變止千六百年形定體尚潔故其  
色白聲聞天故頭赤食於水故其喙長軒於前故後  
指短棲於陸故足高而尾凋翔於雲故毛豐而肉踈  
大喉以吐故脩頸以納新故生天壽不可量所以體  
無青黃二色者木土之氣內養故不表於外是以行  
必依洲嶼止不集林木蓋羽族之宗長仙人之騏驎  
也鶴之上相瘦頭朱頂露眼黑睛高鼻短喙音故  
解反頰音德骨音宅反耳長頸促身鷲鷹鳳翼雀毛龜背鼈腹軒  
前垂後高脛粗節洪髀纖指此相之備者也鳴則聞

於天飛則一舉千里鶴二年落子毛易黑點三年產  
伏復七年羽翮具復七年飛薄雲漢復七年舞應節  
復七年晝夜十二時鳴中律復百六十年不食生物  
復大毛落茸毛生雪白或純黑泥水不污復百六十  
年雄雌相見目精不轉而孕千六百年飲而不食鸞  
鳳同爲群聖人在位則與鳳凰翔於甸見初學記 凡鶴  
之上相隆鼻短口則少眠高脚踈節則多力露眼赤  
睛則視遠回翎亞膺則體輕鳳翼雀尾則善飛龜背  
鼈腹則能產輕前重後則善舞洪髀纖趾則能行禽  
經曰鶴以怨望鴟以貪顧雞以嗔睨鴨以怒瞋雀以

猜瞿燕以狂眈視也鷲以喜轉鳥以悲啼鳶以饑鳴  
鶴以絮唳鳧以凶叫鳴以愁嘯鳴也今鶴雌雄相隨  
如道士步斗履其跡而孕內典白鶴影生禽經曰鶴  
愛陰而惡陽鴈愛陽而惡陰見埤雅千歲之鶴能登  
木其未千歲者終不集樹也純白腦盡成骨也見抱朴子

### 鶴語寒

太康二年冬大寒南州人見二白鶴於橋下曰今茲  
寒不減堯崩年於是飛去出異苑

### 二鶴釋寃

正德初吾郡顧中丞逢原家忽被盜捕卒廣訪不獲

舊詒有治圃數人訟於郡侯廣東林公臺下數人累  
經峻刑未甘招伏林公欲加炮烙之刑其火方熾臺  
下二鶴各啣熾火擲諸水中林公始知罪及無辜是  
以釋之

衛懿公性好白鶴不理國事在後宮築臺高十丈  
名曰鶴臺養數百鶴於其上皆以錦繡爲衣金珠  
飾頂每月衆鶴皆有俸祿公若出遊選能舞能鳴  
之鶴數十箇盡以大軒大夫所乘之車也載於駕前號曰

鶴大夫

鶴駕

周靈王太子晉好吹笙浮丘翁接上嵩山三十餘年  
後來告我家七月七日待我於緱山頭果乘白鶴駐  
山巔舉首謝時人而去故後世稱太子之駕曰鶴駕  
宮曰白鶴禁曰鶴禁

鶴

鶴形狀略如鶴其性其帶每遇巨石知其下有蛇卽  
於石前如術士禹步其石叻然而轉南方里人學其  
法者伺其養雛綠木以篋絙縛其巢鶴必作法解之  
乃於木下鋪沙印其足迹而倣學之天將雨則長鳴  
而喜蓋知雨者也又善羣飛薄霄激雨雨爲之散作

窠大如車輪，如三升杯，擇礮石以媪，如鸛水鳥也。伏郊時數入水，郊則不段，郊取礮石周圍，繞郊以助煖氣。故方術家以鸛煖巢中礮石爲真物也。又泥其巢一傍爲池，以石宿水。今人謂之鸛石，飛則將之，取魚置池中，稍稍以飼其雛。禽經曰：鸛俯鳴則陰，仰鳴則晴。

燕

春秋運斗樞曰：瑤光星散爲燕。燕一名玄鳥。昔人謂詩人於鴈曰孤燕，曰雙而未嘗言孤燕者，齊衛敬瑜妻王氏題孤燕詩云：昔年有偶去，今春猶獨歸。



故人恩義重不忍更雙飛此詩蓋寓意也

伯勞東去燕西飛

伯勞鵙也楊子雲賦鵙鵙蘇林音殄絹師古音弟桂字書云伯勞也伯勞五更鳴不止至曙乃息燕晝語夜息伯勞夏至來冬至去燕春分來秋分去伯勞聲惡燕語善伯勞單飛獨栖燕匹栖雙飛每每相反而不相合故樂府云伯勞東去燕西飛喻離別也

鶯

章茂深嘗得其婦翁石林所書賀新郎詞首曰睦起啼鶯語章疑其誤頗詰之石林曰老夫嘗考之矣流

鶯不解語啼鶯解語見禽經

喚起

形不踰反舌春曉則鳴每聲則連呼起字其聲圓滑如黃鸝林薄叢密之處多棲息焉韓退之喚起窓前曙催歸日未西喚起卽此鳥也

見九華山志

念佛鳥

大如鳩羽色黃褐翠碧間而成文音韻清滑如誦佛聲一名念佛子唐韋蟾詩靜聽林飛念佛鳥細看壁畫馱經馬念佛鳥此有之也

見九華山志

搗藥鳥

形罕見春夏之間月夜獨鳴於深巖幽谷之中啼曰  
克丁當宛如杵臼敲戛之聲清亮可聽王梅溪詩云  
聞說僊翁搗藥處鳥聲依舊克丁當

見九華山志

### 雲韶部

俗名音聲鳥有二種形如練鵲毛具五色喙紅足碧  
一種畧小羽間玄黃足或青或紅多居高峯絕巘之  
間面陽而巢飛翔有序群族必單暮春早秋時一見  
之風輕烟煖聲響互發如聆簫韶也

見九華山志

### 提壺蘆

狀類燕子色錯黃褐春日則叫曰提壺蘆沽美酒人

多見之

見九華山志

鴉

有別種土人呼爲寒鴉歲十月自西北來其陣蔽天及春中乃去秦少游詞寒鴉萬點流水遶孤村不至越者殆不知也

鷓鴣

鷓鴣膏主耳聾滴耳中又主刀劍令不繡以膏塗之水鳥也如鳩鴨脚連尾不能陸行常在水中人至卽沉或擊之便起爾雅注云膏主堪塗劍續英華詩云馬銜苜蓿葉劍瑩鷓鴣膏是也

鷓鴣

此鳥胎生從口中吐雛如兔子類故杜臺卿淮賦曰  
云鷓鴣吐雛於八九鷓鴣銜翼而低昂是也

杜鵑

蜀王本記云杜宇爲望帝淫其臣鼈靈妻乃亡去蜀  
人謂之望帝異苑云杜鵑先鳴者則人不敢學其聲  
有人山行見一羣聊學之嘔血便殞楚詞云鷓鴣鳴  
而草木不芳人云口出血聲始止故有嘔血之事也

鷓鴣

鷓鴣夜撮蚤察毫釐晝則瞋目不見丘山言殊性也

嗽金鳥

嗽金鳥出昆明國形如雀色黃常翱翔於海上魏明帝時其國來獻此鳥餽以真珠及龜腦常吐金屑如粟鑄之乃爲器服宮人爭以鳥所吐金爲釵珥謂之辟寒金以鳥不畏寒也宮人相嘲弄曰不服辟寒金卽得帝王心不服辟寒鈿卽得帝王怜

翡翠

翡翠生于深黎之茂林峻嶺人罕得見傳云晴霽日中始一出陰晦竟日不出小大僅侔梁燕羽翰五色離披可愛人必積久探視羅其巢始獲之也

鳩鵒

舊言可使取火効人言勝鸚鵡取其目睛和人乳研  
滴眼中能見煙霄外物也

吐綬鳥

魚復縣南山有鳥大如鳩鵒羽毛多黑雜以黃白頭  
頗似雉有時吐物長數寸丹采彪炳形色類綬因名  
爲吐綬鳥又食必蓄嗉臆前大如斗慮觸其嗉行每  
遠草木故一名避株鳥

倒掛鳥

倒掛鳥身形如雀而羽五色日間焚好香則收而藏

之羽翼間夜則張尾翼而倒掛以放香

細鳥

漢元封五年勒畢國貢細鳥以方尺玉籠盛數百頭大如蠅其狀如鸚鵡聞聲數里如黃鵠之音國人常以此鳥候時亦名曰候蟲上得之放於宮內旬日之間不知所止惜甚求不復得明年此鳥復來集於帷幄之上或入衣袖因更名曰蟬鳥宮人婕妤等皆悅之但有此鳥集於衣上者輒蒙愛幸武帝末稍稍自死人尤愛其皮服其皮者多爲男子媚也

巧婦鳥



巧婦鳥主婦人巧吞其卵小於雀在林藪間爲窠窠如小囊袋亦取其窠燒女人多以燻手令巧

飛涎鳥

南海去會稽三十里有狗國國中有飛涎鳥似鼠兩翼如鳥而脚赤每至曉諸栖禽未散之前各各占一樹口中有涎如膠遶樹飛涎沾洒衆枝葉有他禽之至而如網也然乃食之如竟午不獲卽空中逐而涎惹之無不中焉人若捕得脯治渴其涎每布後半日卽乾自落落卽布之

蚊母鳥

蚊母鳥形如鷓嘴大而長池塘捕魚而食每叫一聲則有蚊蚋飛出其口俗云採其翎爲扇可辟蚊子亦呼爲吐蚊鳥

乞飯鳥

彭蠡湖乞飯鳥隨舟行舟人常搏飯拋與則接之不遺一粒

乳母鳥

乳母鳥言產婦死變化作之能取人之子以爲己子  
曾前有兩乳

新州越王鳥

似鳶而口勾可受二升南人以爲酒盃

雀

春秋運斗樞曰瑤光星散爲雀

世傳公冶長能通鳥語或言治長貧而閭居無以給食有雀飛鳴其舍呼之曰公冶長公冶長南山有箇虎馱羊爾食肉我食腸當亟取之勿彷徨于長如其言往山中果得大羊食之有餘及亡羊氏跡之索得其角乃以爲偷訟之魯君魯君不信鳥語繫之獄孔子素知之爲之白于魯君亦不解也于是嘆曰雖在縲紲之中非其罪也未幾于長在

獄舍雀復飛鳴其上呼之曰公冶長公冶長齊人  
出師侵我疆沂水上嶧山房當亟禦之勿彷徨子  
長介獄吏白之魯君魯君亦弗信也姑如其言往  
跡之則齊師果將及矣急發兵應敵遂獲大勝因  
釋公冶長而厚賜之欲爵爲大夫冶辭不受蓋耻  
因禽獸以得祿也後世遂廢其學故沈佺期燕詩  
有云不如黃雀語能免冶長灾白居易烏鶴贈答  
詩序云余非冶長不能通其意皆爲此也

鴟雀

黃霸傳鴟雀飛集丞相府蘇林曰今虎賁所著鴟也

師古曰非也鵝音芬本作鴻此通用耳鴻雀大而色青出羗中鵝雀色黑出上黨以其鬪死不止故用其尾飾武臣首云今俗所謂鵝雞者鵝音

### 五色雀

舊志五色雀自羅浮來恒止于此又有白雀人恒見之已千歲 歷梁化時孟秋五日也道逢故人設燕於合江樓烹五色雀九孔螺邀飲

### 白翎雀

朔漠之地無他禽鳥惟鴻鴈與白翎雀鴻鴈畏寒秋南春北白翎雀雖窮冬抵寒亦不易處故元世祖作

名曰白翎雀

知更雀

裴耀卿勤於王事夜看案牘晝決獄訟常養一雀每  
夜至初更時有聲至五更則急鳴耀卿叫爲知更雀  
又於廳前有一大桐樹至曉則有羣鳥翔集以此爲  
出廳之候故呼爲報曉鳥時人美焉

却火雀

順宗卽位年拘彌之國貢却火雀一雌一雄純黑大  
小類燕其聲清亮不並尋常禽鳥置于烈火中而火  
自散上嘉其異遂盛于火精籠懸于寢殿夜則宮人

并蠟炬燒之終不能損其毛羽

交精

郭璞曰交精似鳧而腳高有毛冠辟火災

師子禽

南金山有師子禽其毛黃赤而光鮮耳小若鳴時地動石裂也

駝鳥

吐火羅高宗末徵初遣使獻大鳥高七尺其色玄足如駝鼓翅而行日三百里能噉鐵夷俗謂爲駝鳥頸項勝得人騎行五六里其郊大如三升

鷲鳥

波斯國鷲鳥噉羊土人極以爲患

見梁書

波斯有大鳥形如橐駝有兩翼飛而不能高食草與肉亦能噉人有大鳥郊

大爵

安息大爵鷄如鷹身蹄如橐駝色蒼舉頭高八九尺張翅丈餘食大麥

海東青

海東青五國城東出小而健能擒天鷲爪白者尤異

海青鷹



朝鮮五年稔遣使獻海青鷹

虎鷹

能飛捕虎豹身大如牛翼廣二丈

鴈

鴈北歸必銜蘆越關則輸之淮南子以爲鴈愛氣力銜蘆以避矰繳俗傳以爲過海投蘆爲桴以息氣力或云輸蘆以供稅供稅之說誕矣過海爲桴之說何秋來獨無而春始蘆耶蘆避矰繳之說不知來時何以爲避且使上林射鴈蘆何能避耶予考鴈從風而飛春夏南風故北飛秋冬朔風故南飛秋冬過南食

肥體重故借蘆以助風力耳塞北風高則無事此故  
投於鴈門關姑識之以俟明者焉

見徐達  
寤語

鵬

說文鴟也本作鵙以鳥聞聲今文作鵙廣韻似雉尾  
長謝靈運雪賦白鵙失素西京雜記越王獻高帝白  
鵙黑鵙各一雙

木客鳥

廬陵有木客鳥大如鵙千百爲羣不與衆鳥相厠俗  
云是古之木客花化作廬陵卽今吉州也

鵬

賈誼傳有鵬飛入誼舍晉灼曰異物志曰有鳥小鷄體有文色土俗因形名之曰鵬不能遠飛行不出域也

鵬鵠

鵬鵠常白日而飛畏霜夜飛則以樹葉覆其背上

出崔

豹古今注

鵬鵠似雌雉飛但南不向北楊孚交州異物

志云鳥像雌雉名鵬鵠其志懷南不思北徂 鵬鵠

飛數逐月如正月一飛而止于窠中不復起矣十二月十二起最難採南人設網取之

鵠鵠

章帝永寧元年條支國來進異瑞有鳥名鵙鵙形高  
七尺解人言

媚男藥

有在番禺逢端午聞街中喧然賣相思藥聲訝笑觀  
之乃老媪舊揭山中異草鬻于富婦人爲媚男藥用  
此日採取爲神又云採鵙巢中獲兩小石號鵙枕此  
日得之者佳婦人遇之有抽金簪解耳璫而償其直  
者

鳥

春秋運斗樞曰瑤星散爲鳥

鴟

春秋運斗樞曰玉衡星散為鴟

鶴鷓鴣

如鷓鴣短尾射之銜矢射人

蘭陵山有井異鳥巢其中金翅而身黑此鳥見即  
大水井不可窺窺者盈歲輒死

鴟

鴟鳥大如鷓毛出紫綠色有毒頸長七八寸食蝮蛇  
鴟多運日鴟名陰諧以其毛漉飲食則殺人

梟鏡

郊祀志祠黃帝用一梟破鏡孟康曰梟鳥名曰作梟  
羨以賜百官以其惡鳥故食之也

海鳧毛

洽聞記曰後漢時有鳥頭長五尺雞首燕頤備五色  
而多青光武問百官咸以爲鳳蔡衡獨曰多青者鸞  
也上善其對晉說曰時人有得鳥毛長三丈以示張  
華華慘然曰此海鳧毛也出則天下亂

翬

伊洛而南素質五采皆備成章曰翬

翬亦雉屬言其毛色光鮮

鷩

江淮而南青質五采皆備成章曰鷄

即鷄  
雉也

鷄鷄鳥

似山雞以豕雞鬪之則可擒其羽有光漢以飾侍中冠

天雞

東南有桃都山山上有大樹名曰桃都枝相去三千里上有天雞日初出照此木天雞則鳴天下雞皆隨之鳴

火雞

滿刺加火雞軀大如鶴羽毛雜生好食火炭駕部員

外張汝弼親試喂之 張揖曰昆雞似鶴黃白色

潮雞

潮雞似雞而小頸短潮至則鳴

叫雞

叫雞晝夜依時而鳴

司夜雞

隨鼓節而鳴不息從夜至曉一更爲一聲五更爲五聲亦曰五時雞

長鳴雞

高大過常雞鳴聲甚長終日啼號不絕生邕州溪洞



中

金雞

羽族似雉者金項火背斑尾揚翹志意揭驕籠之不  
能馴

白蟻聞竹雞之聲化爲水竹雞自呼泥滑滑是也  
雞三尺爲鷄

雞作人語

幽寘錄晉兗州刺史沛國宋處宗嘗買一長鳴雞愛  
養甚至常著窓間後雞作人語與處宗談論極有言  
說終日不輟處宗因此功業大進

家雞野雉

家雞先鼓翼者二而後鳴雉雞既鳴而後鼓翼者三  
雉雞雄者有冠煑熟仍紅家雞雄者亦有冠煑熟則  
不紅矣

天寶

校獵賦追天寶應劭曰天寶陳寶也晉灼曰天寶雞  
頭而人身

得過且過

華山有鳥名寒號蟲方春時鳴曰鳳凰不如我至冬  
毛羽皆落則又鳴曰得過且過藥中五靈脂卽其糞

也 得過且過多福何如少遭禍紆干山頭凍羽乾  
真信鳳凰不如我得過且過

丘

### 比翼

比翼南方有比翼鳥焉不比不飛其名謂之鸚鵡狀  
似鳧青赤色一目一足一翼相得乃飛張司空以爲  
一青一赤在三嵎山則是二鳥異色者昔成周爲王  
會則巴人獻之與孔鸞鳳鳥之屬皆陳於庭後王德  
薄不能及遠則此貢遂絕

### 鸚鵡

一名淘河一名竭澤形似鸚而大高足其鳴自呼好

驗 群飛沉水食魚會稽不常有有輒大水土人占之願

雪姑

冬月群飛鳴則必雪

見會稽縣志

鷺

有二種一曰鷓鷯一曰駕鷺卞子曰鷺性頑而傲蓋鷺莪首似傲故名曰鷺今鷓鷯多出陳鄧而駕鷺則中牟之陂澤間有之

見河南通志

戲鷺

上幼時曾見群鷺遊於庭戲以青白二紙旗左右豎

命曰青者立青旗下白者立白旗下違者死群鷺應聲如命而往獨一花鷺不知所適往來於青白之間上殺而食之

喜日鷺

喜日鷺至日出時銜翅而舞又名曰舞日鷺

鷓

鷓鳥之諱者其居易容其欲易給窠伏淺草之間隨地而安故言上世之俗曰鷓居而鷓食也尾特禿若衣之短結傳稱子夏貧衣若懸鷓 司馬彪云突東北隅一曰東南隅鷓火之地故生鷓也 詩鷓之奔

奔刺衛宣姜也公之頑貴貴者健鬪之貌鶉性雖諄然特好鬪今人以平底綿囊養之懷袖間樂觀其鬪物之小而健無若此者然鶉雖處高疆疆然不失其類鶉雖處下賁貴然而無慕於高高下各得其所以言人之不如也

見爾雅  
雁翼

鶉之字有三義師曠曰赤鳳

曰鶉故南方朱鳥七宿取名焉詩曰匪鶉匪鳶鶉鶉也音團又曰鶉之奔奔則今之鶉鶉也白虎通曰一穀不升撒鶉鶉

### 鶉隼

鶉隼皆鷲鳥也而有義焉鶉冬取小禽燠爪掌旦則

縱之視其所適之方則是日不於其方擊搏杜甫作  
義鶻行是也隼擊物遇懷胎者釋之化書曰隼憫胎  
是也可以人而不如乎天地之間有吐而生子者鷓  
鴒兔凡三物

鶻擲卵

范蜀公見二鶻擲卵相上下接之蓋習飛也其胎教  
之意乎

東齊  
記事

寇鳧

方言曰齊宋之間凡物盛多謂之寇注云今江東有  
小鳧其多無數俗謂寇鳧陸龜蒙集有禽暴一篇正

爲野鳧害稼而作

桑扈

怨鳥麥熟候鳴不分晝夜

鵯

出青要山狀如鳧首朱目赤尾山海經云食之宜子

碧海舍人

隋宦者劉繼詮得芙蓉鷓二十四隻以獻毛色如芙蓉帝甚喜置北海中曰鷓字三品鳥宜封碧海舍人

碧一作北  
見清異錄

人日鳥



南唐王建封不識文義族子有動植疏俾吏錄之其  
載鴿事以傳寫訛謬分一字爲三變而爲人日鳥矣  
建封信之每人日開筵必首進此味

見清異錄

臧脚鴛

御史符昭遠曰鴨頗類乎鴛但足短耳宜謂之臧脚

鴛

見清異錄

升葉鴨

升葉鴨赤色每止於芙蓉上不食五穀唯啣葉上垂  
露因名垂露鴨亦曰丹毛鳧

鬪鴨

陸魯望有鬪鴨一欄頗極馴養一旦驛使過馬挾彈斃其尤者魯望曰此鴨善人言見欲附蘇州上進使者柰何斃之使者盡以囊中金以窒其口使徐問人語之狀魯望曰能自呼其名爾使人憤且笑拂袖上馬復問之還其金曰吾戲耳

沈存中云予昔年在海州曾夜煮監鴨矧其間一知爛然通明如玉熒熒然屋中盡明置之器中十餘日臭腐幾盡愈明不已

辯鳥雌雄

鳥雌雄不可辯者視其翼左掩右爲雄右掩左爲雌

一說拔其毛置水中沉者爲雄浮者爲雌

足足般般

薛道衡文足足懷仁般般擾義足足鳳也般般麟也  
說文鳳鳴節節足足相如封禪書般般之獸樂我君  
圖

犀

形似水牛豬頭大腹庠脚脚有三蹄黑色三角一在  
頂上一在額上一在鼻上鼻上者卽食角也小而不  
脩好食棘亦有一角者 犀之通天者必惡影常飲  
濁水當其溺時人趕不復移足角之理形似百物或

理不通者是其病然其理有倒插正插腰鼓倒插者  
一半已下通正者一半已上通腰鼓者中斷不通故  
波斯謂牙爲白暗犀爲黑暗段成武門下醫人吳士  
臯常職于南海郡見舶主說本國取犀先于山路多  
植木如狙杙云犀前脚直常倚木而息木爛折則不  
能起犀角一名奴角有鶴處必有犀也犀三毛一孔  
劉孝標言墮角埋之人以假角易之

象

出交趾山谷惟雄者則兩牙佛書云四牙又云六牙  
今無有

物膽

象膽隨四時在其足熊膽春在首夏在腹秋在左足  
冬在右足蚺蛇長十丈可吞麋鹿上旬在頭中旬在  
心下旬在尾鼠膽殺則有自死則無

南荒黑有溪水其水以塗水象至輒不去崑崙兒  
以塗身卽能乘象如家畜古所謂黑崑崙今之象  
奴也

稱象之智

智之端人皆有之惟智過人者能發其端後人觸類  
而長之無所不可魏曹沖五六歲有成人之智孫權

曾致巨象曹操欲知其重沖曰置象大船之上而刻其水痕所至稱物而載之則校可知矣操大悅而行之

見梁籍漫志

元順帝有一象宴群臣時拜舞爲儀 本朝王師破元都帝北遁徙象至南京一日 上設宴使象舞象伏不起殺之次日作二木牌一書危不如象一書素不如象掛於危素左右肩由是素以老疾告乃謫舍山縣尋卒今墓在焉

獅

魏武帝伐冒頓經白狼山逢獅子使人格之殺傷甚

衆王乃自率常從徒兒數百人擊之獅子哮吼奮迅  
左右咸驚汗忽見一物從林中出如狸超上王車輒  
上獅子將至此獸便跳于獅子頭上獅子卽伏不敢  
起於是遂殺之得獅子一子此獸還未至洛陽三十  
里路中雞狗皆伏無鳴吠者 釋氏書言獅子筋爲  
絃鼓之衆絃皆絕西域有黑獅子棒獅子集賢校理  
張希復言舊有獅子尾拂夏月蠅蚋不敢集其上舊  
說蘇合香獅子糞也

獅子雄

獅子雄者鬃尾如纓拂傷人吼則聲從腹中出馬聞

乏怖瀦

舍利

舍利獸名性吐金

齧鐵

南方有獸名曰齧鐵大如水牛色如漆食鐵其糞可  
作兵器其利如鋼

貊便鐵

建寧郡有獸名貊黑毛白臆似熊而小以舌舐鐵須  
吏便數十觔

駱駝



博物志曰燉煌西渡流沙往外國濟沙千餘里中無水時有伏流處人不能知駱駝知水脉過其處輒停不行以足踏地人於所踏處掘之輒得水

果然

果然獸名揚州人取果然得一果然而數十果然可得蓋果然不忍傷其類聚族而啼雖殺之不去也此禽獸狀而人心薄俗有不如者果然大類猩猩

出國史補

馬

馬駒在上旬生者行在母前在中旬生者行與母齊在下旬生者行在母後 秣馬之法必視其齒歷勞

逸而調習之馬四年而兩齒五年而四齒六年而六齒成矣七年而右一齒缺八年而上下兩邊各一齒缺九年而上下盡缺十年而下兩齒翻十一年而下四齒翻十二年盡翻十三年下二齒平十四年下四齒平十五年下盡平十六年上兩齒翻十七年上四齒翻十八年上盡翻十九年上兩齒平二十年上四齒平年之長少惟馬齒最準故人自謙曰犬馬之齒長矣 馬八尺為駮

名馬

果下馬高三尺果下可乘 烏托出小步馬少細也

細步言其能蹠足所謂百步千跡 胡椒馬國多駿  
馬來自西域 長角馬哈獸角長過身 遺風張揖  
曰遺風千里馬也 大宛國中有高山其上有馬不  
可得因取五色母馬置其下與集生駒皆汗血因號  
爲天馬子 宋膺異物志大宛馬有肉角數寸或有  
解人語及知音舞與鼓節相應者 唐咸通三年柳  
州馬生角 廣西通志

龍種馬

龍種馬出西海中有鱗角牝馬有駒不敢同牧被引  
入海不復出

萬畢術曰馬毛太尾親友自絕取馬毛大尾置朋友衣中若夫婦衣中夫婦自相憎矣

馴駮

張揖曰馴擾也駮如馬白身黑尾一角鋸牙食虎豹擾而駕之以當駟馬也

師子驄

唐太宗末年讖家明言一主昌又明言為武氏又明言其人已在宮中乃以疑似殺李君羨過矣則天當時特一宮嬪誠無可疑之迹然史載太宗有駿馬曰師子驄極猛悍太宗親控馭之不能馴則天時侍側

曰惟妾能制之。太宗問其術，對曰：妾有三物，始則捶以鐵鞭，不服則擊以鐵槌，又不服則以匕首斷其喉。爾由此觀之，其英烈猛厲之氣亦自發露。特太宗不之覺耳。則天後來駕馭群臣，專用此術。

黑驢

本田劉馬太監於西番買一黑驢以進，能日行千里。又善鬪虎，上取虎城一牝虎與鬪，一蹄而虎斃。又鬪一牝虎，三蹄而斃。後與獅鬪，被獅拆其脊，劉馬伏地。

潯州糖牛

大賓縣山有糖牛，與蛇同穴。牛嗜鹽，里人以皮裹手。

塗鹽入穴探之其角如玉取以爲噐

爆牛

海康其地多牛頂上有骨大如覆斗日行三百里爾雅所謂爆牛是也

花蹄牛

元封三年大秦國貢花蹄牛其色駸高六尺尾環繞其身角端有肉蹄如蓮花善走多方帝使輦銅石以起望仙宮跡在石上皆如花形故陽關之外花牛津時得異石長十丈高三丈立於望仙宮因名龍鍾石武帝末此石自啗入地唯尾出土上今人謂龍尾墩

也

封牛

其領上肉隆起有若封然因以名之卽今之峯牛

六角牛

周成王時東夷送六角牛

牛黃

出林縣凡牛有黃者毛皮光澤睛色如血時鳴吼而好照水人以盆水承之伺其將吐乃喝迫之卽墮水中如雞子黃大重疊可揭輕盈而香摩爪甲上其色不落者佳

獾

州縣田阜之間多有之淮南子曰獾爲曲穴陰以防  
雨景以蔽日此亦鳥獸之智也

見河南通志

角端

角端北地異獸也能入言其高如浮圖 西狩獲白

麟至死意不吐伐北有角端能通諸國語

白甚開先續演雅

詩見南村  
駁耕錄

一曰聳孤其身體皆青色三角光瑩按東方甲乙

木見則國家有災異 二曰炎駒其身體皆赤色

項有魚鱗按南方丙丁火見則國家有火災 三



曰素冥其身體皆白色毛甚尖削按西方庚辛金見則國家有万兵 四曰角端其身體皆黑色龍足龜甲按北方壬癸水見則國家有水災 五曰麒麟其身體皆黃碧腹紫肉虎爪龍睛按中央戊巳土見則國家太平天下豐熟

見名世英烈傳

能

吾非敢自愛恐能薄 師古曰能謂材也能本獸名形似熊足似鹿爲物堅中而強力故人謂有賢材者皆爲能

天祿

天祿獸也案今鄧州南陽縣北有宗資碑旁有兩石獸鐫其一曰天祿一曰辟邪據此天祿辟邪並獸名時漢有天祿閣亦因獸而立名

驥駃騠

郭璞曰驥駃距虛類也駃騠生三日而超其母驥音顛駃音奚駃音決騠音提

蜚

孔叢子北方有獸名蜚食得甘草必齧以遺蜚蜚驅驢二獸見人來必負蜚以走二獸非愛蜚也爲其得甘草以遺之蜚非愛二獸也爲其假足也

狒狒

狒狒宋建武中南蠻進狒狒雌雄二頭帝曰吾聞狒狒力負千斤何能致之對曰狒狒見人則笑笑則下人掩其額故可以釘之髮可爲朱纓血可染衣似獼猴人面而紅作人言鳥聲善知人生死飲其血使其見鬼帝命工圖之

雙雙

雙雙南海之外赤水之西流沙之東有三青獸相并名曰雙雙言體合爲一也公羊傳所云雙雙而俱至者蓋謂此也

蜚廉解薦

郭璞曰蜚廉龍雀鳥身鹿頭解薦似鹿而一廉也  
刑罰得中則生

鹿

凡於相尾之時雖牝鹿數十一時皆淫過牝則渾身  
之肉消裘正皮氣息而已或倒於路旁人若能扶去  
以細草喂飼月餘其肉皆復若卽時殺食則空有皮  
骨耳 女直一種曰北山野人乘鹿出入

茶首

音茶茂

博物記云雲南郡出茶首其音爲茶茂是兩頭鹿名

也永昌有之

麋

春秋運斗樞曰樞星散爲麋 一名麋有牙而不能噬如小鹿而美語曰四足之美有麋麋卽麋也

麋

似麋而有角善食蛇

虎

外文申質雖遭逐猶復徘徊顧步 蒲刺加國山有黑虎視虎差小能變人形白晝群入于市人有覺其爲虎者乃擒殺之 予嘗聞牛哀化虎博殺其兄涪

民變虎夜食其豕未聞以虎化人者獸之化人如鹿之爲黃衣郎豕之爲烏將軍猿之爲袁公狐之爲何劣皆年久成精而今隨常可變亦甚異哉

獾

神異經曰北方大荒中有獸咋人則疾名曰獾獾恙也嘗入人室屋黃帝殺之人無憂疾謂之無恙爾雅曰恙憂也應劭風俗通曰上古之時草居露宿恙噬人蟲也善食人心大患苦之凡相問曰無恙恙或以爲獸或以爲蟲或謂無憂廣干祿書兼取憂及蟲事物紀原兼取憂及獸廣韻獾字下云獾獸如獅子食

虎豹及人恙字下云憂也病也噬蟲善食人心是獠  
恙二義神異經合而一之則誤矣

豺

似狗而長尾遇狗則拜虎特畏

野狼

紹慶府郡國志云山出野狼眼在背上能食諸獸

獬白豹

似熊小頭羸脚黑白駁能舐食銅鐵及竹骨節強直  
中實少髓皮辟濕或曰豹白色者別名獬

乳羊

本出英州其地出仙茅羊食茅舉體悉化爲肪不復有血肉食之宜人

大尾羊

大尾羊羊尾大者重三升小者一升肉如熊白而甚美

燒尾

封氏聞見記曰凡新羊入群爲諸羊所觸不相親附火燒其尾則定故初拜官朋僚合宴謂之燒尾貞觀中太宗嘗問朱子奢燒尾事子奢以此爲對

壠種羊



出西海以羊臍種土中漑以水聞雷而生臍系地中  
及長驚以木臍斷便行嚙草至秋可食臍內復有種

蒙貴

蒙貴狀如猯而小紫黑色畜之捕鼠甚於貓 酉陽  
雜俎云貓目睛曰暮圓及午豎斂如綫其鼻端常冷  
唯夏至一日暖俗言貓洗面過耳則客至一名蒙貴  
一名烏圖故古今詩人詠貓者多用蒙貴字按爾雅  
蒙頌卽蒙貴以猯紫黑色可畜捕鼠甚於貓又一統  
志安南國土產內載蒙貴狀如猯而小紫黑色畜之  
捕鼠甚於貓觀二書所載則蒙貴自蒙貴非貓也雜

疑誤矣

西番貓

景泰初西番貢一貓經過陝西莊浪驛時福建布政使朱彰以事謫爲驛丞彰管其貢使譯問貓何異而上供使臣書示云欲知其異今夕請試之其貓盛罩於鐵籠以鐵籠兩重納著空屋內明日起視有數十鼠伏籠外盡死使臣云此貓所在雖數里外鼠皆來伏死蓋貓之王也朱彰原交趾人

沐猴

史沐猴而冠沐猴猴名出屬賓國

見漢書

猴

一名狙其性躁以囂天目山中多有之又有一種長臂善嘯者謂之猿 猴詩謂之猿性躁而多智嘗記

唐大曆中有猴數百集古田杉林中里人欲伐木殺之中一老猴忽躍去隣近一家縱火燔屋里人懼亟

走救火於是羣猴遂脫去其狡智若此

載汀州志

馴象

鄧指揮家昔有山子人獲一猿來獻面黑身白惟頂上有黑毛如指闊一縷直至脊盡處有人云猿初生時黑至百餘歲漸成黃而爲雌又數百歲方變爲白其有黑毛自頂貫脊又異然則唐人之詩有云黃猿

領白兒亦謬矣

猿臂遂

有人以猿臂骨爲篋吹之聲清圓絕勝竹

狐

名山記曰狐者先古之淫婦也其名曰紫化而爲狐故其怪多自稱阿紫

兔

春秋運斗樞曰玉衡星散而爲兔兔視月而孕吐

生子

桃花犬

羅江淳化中貢桃花犬 李程桃花犬歌宮中有犬  
桃花名絳繒圍頸懸金鈴

兩首犬

神功元年安國獻兩首犬首多者上不一也

唐五行志

曳馬銜燭

高 子文泰立後五年獻狗高六尺長數尺能曳馬  
銜燭云出拂菻中國始有拂菻狗

鷹背狗

北方凡皂鵬作巢所在官司必令人窮巢探卵較其  
多寡如一巢而三卵者置卒守護日覘視之及其成

馱一乃狗耳取以飼養進之于朝其狀與狗無異但耳尾上多毛羽數根而已田獵之際鵬則戾天狗則走陸所逐同至名曰鷹背狗

女直狗車

形如船以數十狗洩之往來通運木馬形如彈弓繫足激行可及奔馬二者止可米雪上行

楊朱之弟布素衣出黑衣返其犬迎吠之布欲殺犬朱曰若使狗白而出黑而入爾能無恠乎

生男爲狗

北狗國人身狗首長毛不衣手搏猛獸語爲犬嘯其

妻皆人能漢語生男爲狗女爲人自相婚嫁穴居食  
生而妻女人食熟嘗有中國人至其國其妻憐之使  
逃歸與其筋十餘隻教其每走十餘里遺一筋狗夫  
追之見其家物必啣而歸則不能追矣其說如此

五代

史四夷  
附錄

晉元帝大興四年壬午廬江潛山縣何旭家忽聞  
地中有犬聲掘之得一犬母青黑色狀甚羸走入  
草中不知所在視其處有犬子一雌一雄哺而養  
之雌死雄活及長善噬獸其後旭里中爲蠻所沒

膾炙膾

獸形如狐脚高如犬走如飛取其腎以漬油名曰腥  
胸臍

熊

似豕堅中山居冬蟄饑則自舐其掌故掌獨美

兩面人

兩面人玄菟太守王頎至沃沮國問其耆老云復有  
一破船隨波出其海岸邊上有一人項中復有面與  
語解了不食而死此是兩面人也

山獺

出宜州溪洞俗傳爲補助要藥洞人云獺性淫毒山



中有此物凡牝獸悉避去獺無偶抱木而枯洞獠尤  
貴重云能解藥箭毒中箭者研其骨少許傳治立消  
一枚值金一兩人或求買但得殺死者功力甚劣

### 鎖陽

韃靼田地野馬或與蛟龍交遺精入地久之發起如  
笋上豐下儉鱗甲櫛比筋脉連絡其形絕類男陰名  
曰鎖陽卽肉從容之類或謂里婦之淫者就合之一  
得陰氣勃然怒長土人掘取洗滌去皮薄切曬乾以  
充藥貨功力百倍於從容也

### 古器物異名

古諸器物異名。鼯鼠其形似龜，性好負重，故用載石。碑螭，其形似獸，性好望，故立屋角。上蒲牢，其形似龍而小，性好吼叫，有神力，故懸於鍾之上。憲章，其形似獸，有威性，好囚，故立於獄門。上饕餮，性好水，故立橋。所蟭蜴，形似鬼頭，性好程，故用於刀柄。上蠖螾，其形似龍，性好風雨，故用於殿脊。上螭虎，其形似龍，性好文彩，故立於碑文。上金猊，其形似獅，性好火煙，故立香爐。蓋上椒圖，其形似螺螄，性好閉口，故立於門。上今呼鼓了非也。蚺蛇，其形似龍而小，性好立險，故立於護朽。上鰲魚，其形似龍，性好吞火，故立於屋脊。

上獸吻其形似獅子性好食陰邪故立門環上金吾其形似美人首魚尾有兩翼其性通靈不睡故用巡警出山海經博物志右嘗過倪村民家見其雜錄中有此因錄之以備參考如詞曲有門迎駟馬車戶列八椒圖之句八椒圖人皆不能曉今觀椒圖之名義亦有出也然考山海經博物志皆無之山海經原缺第十四十五卷聞博物志自有全本與今書坊本不同豈記此者嘗得見其全書歟

龍尺木

龍頭有一物如博山形名尺木故曰龍無尺木不勝

異天

鮪鱗漸離

李奇曰鮪鱗出華山穴中三月溯河而能度龍門之上則爲龍矣

鸚鵡魚

龍門江在嘉興州上飛湍聲聞百里舟過此必舁上  
斫方可復行傍有穴多出鸚鵡魚色青綠口曲而紅  
似鸚鵡嘴相傳此魚能化龍云

吳指揮萬民望言其祖在寧波衛弘治間閩倭登  
岸乘舟哨游夜半見二紅燈漾空而來以爲倭船

也遂彎弓射中其燈不知乃龍睛也頃刻波濤凶湧出海軍舟俱沒焉至今逢此日則海中惡風大作紅燈止見其一土人因知此龍記時尼之所至也

出殊域周咨錄

唐吳郡漁人張胡子嘗於太湖中釣得一巨魚腹上有丹書字曰九登龍門山三飲太湖水畢竟不成龍命負張胡子

龍肉鮓

有人遺張華鮓者華見之謂客曰此龍肉鮓也以醋漬之當有五色光見試之果爾後問其主云於茅

得白魚所作也

鼉

博物志云南海有鼉魚斬其首乾之椽去其齒而更復生者三乃已南州志亦云然又聞廣州人說鱐魚能陸追牛馬水中覆舟殺人值網則不敢觸有如此畏慎其一孕生外數百於陸地及其成形則有虵有龜有鼈不魚有鼉有為蛟者凡十數類及其被人捕取宰殺之其靈能為雷電風雨比殆神物龍類

鯨魚

鯨魚者海魚也大者長千里小者數千丈一生數萬

子常以五月六月就岸生子七月八月導從其子遠  
大海中鼓浪成雷濱沫成雨水族驚畏莫敢近其雌  
曰鯢大者亦長千里 目卽明月珠

### 鯨魚杵蒲牢

斑固東都賦云發鯨魚鏗華鍾登玉輅乘時龍 注  
云鯨魚杵謂刻杵作鯨魚形也鏗謂擊之也薛綜注  
西京賦云海中有大魚名鯨又有獸名蒲牢素畏鯨  
魚鯨魚擊蒲牢蒲牢輒大鳴呼凡鍾欲令其聲大者  
故作蒲牢於其上撞鍾者名爲鯨魚鍾有象刻之文  
故曰華

鰐

鰐大者長二丈餘狀如鼉有四足喙長六七尺兩邊有齒利如刀劍常食魚遇得麀鹿及人亦噉自蒼梧以南及外國皆有之

見梁書

鰐穴

鰐魚長數千里穴居海底魚入穴則潮上出則潮退出入有節故潮水有期又名鮠魚

出風土記

摩竭魚

海中大魚口可容舟故曰吞舟之魚其名曰摩竭

南海大魚



嶺南節度使何復光者朱崖人也所居傍大海云親見大異者有三其一曰海中有二山相去六七百里晴朝遠望青翠如近開元末海中大雷雨雨泥狀如吹沫天地晦黑者七日人從山邊來者云有大魚乘流入二山進退不得久之其鰓挂一崖上七日而山拆魚因爾得去雷魚聲也雨泥是口中吹沫也天地黑者是吐氣也其二曰海中有洲從廣數千里洲上有物狀如蟾蜍數枚大者周廻四五百里小者或百餘里每至望後口吐白氣上屬於月與月爭光其三曰海中有山周廻數十里每夏初則有大蛇如百仞

山長不知幾百里開元末蛇飲其海而水減者十餘日意如渴甚以身繞一山數十匝然後低頭飲水久之遂拆蛇及山被吞俱盡亦不知吞者是何物也

唐裴仙開元七年都督廣州仲秋夜漏未艾忽然天曉星月皆沒而禽鳥飛鳴矣舉郡驚異之未能諭然已晝矣裴公於是衣冠而出軍州將吏則已集門矣遽召參佐泊賓客至則皆異之但謂衆惑固非中夜而曉卽詢挈壺氏乃曰常夜三更尚未也裴公罔測其倪因留賓客於廳事共湏日之昇良久天色昏暗夜景如初官吏則執燭而歸矣詰

且襄公大集軍府詢訪其說而無能辯者襄因命使四訪闔界皆然卽令北訪湘嶺湘嶺之北則無斯事數月之後有商舶自遠南至因謂郡人云我八月十一日夜舟行忽遇巨鰲出海舉首北向而雙目若日照耀千里毫末皆見久之復沒夜色依然徵其時則襄公集賓寮之夕也

赤土國遣那耶迦隨駿貢方物既入海見綠魚群飛水上浮海十餘日至林邑東南並山而行其海水濶十餘步色黃氣腥舟行十日不絕不是大魚糞也

文魮

海魚曰文魮鳥頭魚尾鳴如磬而生玉

丹魚

丹水出丹魚割肉以塗足下則可步履水上

鯉魚

脊中鱗一道大小皆三十六神農書曰鯉爲魚主

鯉堂

在寧海州石落村有劉氏於海濱得此文魚取其骨  
構此堂

番車魚

海槎秋晚巡行昌化屬邑俄海洋煙水騰沸競往觀之有二大魚遊戲水面各頭下尾上決起煙波中約長數丈餘離而復合者數四每一跳躍聲震里許餘怪而詢于土人曰此番車魚也間歲一至此亦交感生育之意耳今中州藥肆懸大魚骨如杆曰者乃其脊骨也

奔鯨

奔鯨一名濁非魚非蛟大如船長二三丈若鮎有兩乳在腹下雄雌陰陽類人取其子着岸山聲如嬰兒啼項上有孔通頭氣出嚇嚇作聲必大風行者以爲

候相傳嬾婦所化殺一頭得膏三四斛取之燒燈照  
讀書紡績輒暗照懽樂之處則明

鰮魚

臨海異物忘云鰮魚如指長七八寸但有脊骨曝作  
燭極有光明

黃臘魚

黃臘魚卽江湖之橫魚頭紫背長鱗皆金色鬻爲炙雖  
美而毒或煎燂乾夜卽有光如籠燭

劔魚

海魚千歲爲劔魚一名琵琶魚形似琵琶而喜鳴因

以爲名

淫魚

淮南子曰瓠巴鼓瑟而淫魚出聽說者曰淫魚頭與身相半其長丈餘鼻正白身正黑口在額下狀似鬲有鬚而無鱗出於江中其性喜音聞樂作則出頭水上聽之是聽瑟獨淫魚爲然今談者胥謂瓠巴鼓瑟而游魚出聽乃若槩指凡魚矣於其出處不無小誤也

子歸母

吳錄云鰮魚子朝出索食暮入母腹南越志云暮從

臍入且從口出也

井魚

唐段成式云井魚腦有穴每喻水輒於腦穴蹙出如飛泉散落海中舟人競以空器貯之海水鹹苦經魚腦穴出反淡如泉水焉成式見梵僧善提勝說

緋魚

宋志云其色如緋今按海上有一種紅桃魚全緋又一種新婦魚近緋不知何指

見興化府志

棘鬣魚

其鬣剛如棘故呼棘鬣又其鬣赤亦呼赤鬣宋志棘



鬣與赤鬃重出此魚味豐在首首味豐在眼莆人多  
葱酒蒸之以爲珍味十月此魚得時正月以後則味  
物不可食

見興化府志

### 人面魚

先朝有使海外者其國宴饗之際以朱盤進炙魚甚  
巨人面魚身置諸席上使者舉筋徑取雙目啗之卽  
令撒去蓋此名人面魚其味在目其毒在身於是國  
王再拜稱其贍傳其物產之當識有如此者

### 海人魚

海人魚東海有之夫者長五六尺狀如人眉目口鼻

手爪頭皆爲美麗女子無不具足皮肉白如玉無鱗  
有細毛五色輕軟長一二寸髮如馬尾長五六尺陰  
形與丈夫女子無異臨海鯨寡多取得養之於池沼  
交合之際與人無異亦不傷人

白髮魚

白髮魚戴髮形如婦人白肥無鱗出滇池

妾

博白縣南大荒山出怪魚名曰妾狀似人有翼臍下  
有帶長三尺白如練顧動光彩煥爛人雖見而取不  
得今無 岑樓慎氏曰據廣西通志大荒山出怪魚

名曰妾亦云今無而寰宇紀游乃云見之且增一婢字是何虛誕而且擅改之至於是也吁史不闕文夫子嘆之况文有足徵而猶無實錄乎能不爲之一慨

海蠻師

嘉祐州海州漁人獲一物魚身而首如虎亦作虎文有兩短足在肩指爪皆虎也長八九尺視人輒淚下昇至郡中數日方死有父老云昔年曾見之謂之海蠻師

橫公魚

北方荒中有石湖方千里葦深五丈餘恒冰唯夏至

左右五六十日解耳有橫公魚長七八尺形如鯉而赤晝在水中夜化爲人刺之不入煮之不死以烏桲二枚煮之則死食之可止邪病

蝟蝶

蝟蝶大者長尺餘兩螿至疆八月能與虎鬪虎不如隨大潮退殼一退一長

鹿子魚

鹿子魚鱗色其尾鬣皆有鹿斑赤黃色羅州圖經云州南海中有洲每春夏此魚跳出洲化而爲鹿曾有入拾得一魚頭已化鹿尾猶是魚南人云魚化爲鹿

肉腥不堪食

鱣

鱣大如五斗奩長丈口在頷下長鼻軟骨常三月中  
從河上常於孟津捕之淮水亦有之肉黃唯以作鮓  
而骨可啖蓋鱣屬也鱣蓋鮓之類但鱣肉黃鮓肉白  
以此爲別今江東呼鱣爲黃魚大者曰黃鱣

見爾雅翼

鮓

鮓以季春來形似鱣而青黑頭小而尖似鐵兜蓋其  
口亦在頷下其甲可以摩蓋大者不過七八尺肉色  
白味不如鱣

鱮魚

鱮音音魚一名揚合黃頰骨正黃魚之大而有力者魚  
體背上有斑文腹下純青今以飾方鞵步文也海水  
將潮及天將雨毛皆起潮還天晴毛則伏常千里外  
知海潮也

牛魚

東海有牛魚其形如牛海人採捕剝其皮懸之潮水  
至則尾起潮水落則尾伏

潛牛

生江中形似魚能上岸與牛鬪角軟還入水堅則復

出

見學慶府志

鱗

涿光山下黨水多鱗如鵠而十翼捕之可以禦火

異魚塘在陽朔縣西一十五里中有魚綠鱗而紅

鬣

鱗

文鱗魚出南海大者長尺許有翅與尾齊一名飛魚  
群飛水上海人候之當有大風吳都賦云文鱗夜飛  
而觸綸是也西山經曰鱗魚狀如鯉魚身鳥翼蒼文  
白首赤喙常從西海遊於東海以夜飛音如鷓見大

見爾  
雅翼

鬪魚

大如指長二三寸身有花文紅綠相間尾鮮紅有黃點善鬪兒童輩多盆養之每鬪相持不舍久之勝負乃決負者躍而遊顏色衰謝勝者洋洋自得顏色充如也物之好勝一至此哉俗呼爲花魚

鯢魚

鯢魚如鮎四足長尾能上樹天旱輒含水上山以草葉覆身張口鳥來飲水輒吸食之聲如小兒峽中人食之先縛於樹鞭之身上白汁出如搆汁此方可食



不爾有毒

鮪音詰

魚身大首音如嬰兒食之已狂

何羅魚

何羅魚一首而十身其音如犬吠食之已擁

雞喙用魚

李德裕幼時常於明州見一水族有兩足喙似雞身

如魚

建同魚

建同魚四足無鱗鼻如象吸水上噴高五六丈

魴魚

此魚其頭圓禿如燕其身圓扁如簾其尾圓長如牛尾其尾極毒能螫人有中之者連日夜號呼不止以其首似燕故又名燕魴魚以其尾言故又名牛尾魚福州人食味重此

見輿化府志

方頭魚

通志似棘鬣而頭方味美或曰方疑作芳言其頭爲味芳香也

見輿化府志

鱸魚

海中四腮鱸皮緊脆而肉厚呼曰脆鱸有江鱸差小

而兩腮味淡有塘鱸形雖巨而不脆

石首魚

魚首有鮐堅如石故名冬月得之又緊皮者良三月  
八月出者次之至四月五月海郡民發巨艘入洋山  
競取有潮汛往來謂之洋山魚用鹽醃之曝乾曰白  
鮐通商販於外舊志爾雅翼釋曰一名鮓見寧波府志

鯢魚

鯢或作鮓一名河豚腹下白背上青黑有黃文眼能  
開閉觸物輒噴腹脹如鞠浮於水上一名噴魚味至  
美其肝與子有大毒食之殺人其腹無膽頭無腮故

肝最毒舊言甚於野葛惟橄欖木魚若木解之一云  
獨眼者尤毒腹多刺去其頭尾取其身白肉用橄欖  
耳蔗煮之橄欖以解魚毒耳蔗以驗其有毒則黑犬  
抵出海中者大毒江中者次之又一等名白河豚又  
名鮓魚其狀相類無毒

見寧波府志

### 鱈魚

似鯉生淺海中專食泥身圓口小骨軟肉細

見寧波府志

魏明帝遊洛水水中有白獺數頭美淨可憐見人  
輒去帝欲取之終不可得侍中徐景山奏云臣聞  
獺嗜鱈魚乃不避死可以此誑之乃畫板作兩鱈

魚懸置岸上於是群獺競逐一時執得帝甚嘉之謂曰聞卿能畫何以妙也答曰臣未嘗執筆然人之所作自可庶幾其帝曰是善用所長也

馬鮫魚

形似鱸其膚以鱗而黑斑最腥魚品之下一曰社交魚以其交社而生

見寧波府志

鰭鮓

一名鱗魚身扁而銳狀若鏘刀身有兩斜角尾如燕尾細鱗如粟骨軟肉白其味甚美春晚最肥俗又呼為娼魚以其與諸魚群故名

見寧波府志

蟹魚

板身多鯁長不五六寸味極肥腴以糟滷之可作湯  
世說晉虞嘯父答晉帝云天時尚溫蟹鮓未熟卽此  
吹沙魚

埤雅曰鮓鮓常開口吹沙性善沈大如指狹圓而長  
有墨點俗呼爲新婦臂味甘今奉化鮓琦鎮有之頗  
以爲珍品

見寧波府志

鮓魚

狀似鱸而肉粗三腮曰鮓四腮曰茅鮓小者曰鮓姑

已上奉定象同

見寧波府志

青鱈魚

冬月肥美海錯之佳者產奉化

見寧波府志

鯊魚

皮上有沙故名有白浦鯊黃頭鯊白眼鯊白蕩鯊青  
頭鯊斑鯊牛皮鯊狗鯊鹿文鯊鰓鯊鮐鯊燕尾鯊虎  
鯊犁瓦鯊香鯊熨斗鯊丫髻鯊劍鯊刺鯊鋸鯊其類

甚多

見寧波府志

比目魚

細鱗而身扁右半片然止一目狀比鮑魚而小曝乾  
可致遠爾雅云魚以左右云不比不行

見寧波府志

鱗

赤目多獨行或二三相從見網則遁

見徽州府志

墨魚

狀如笑囊口旁兩鬚若帶極長風波稍急以鬚粘石  
爲纜其腹有墨姦人以此書券踰年則爲白紙矣圖  
經云一名烏鱗能嚙墨涵水以自衛使水匿不爲人  
所害然群行水中人見墨水至輒下筍羅而得之有  
骨厚三四分形如樗蒲子而長輕脆如通草可刻名  
海螵蛸可入藥性嗜烏嘗仰浮水面以餌烏鳥來啄  
輒以鬚裹其足沉諸水而食之故又名烏賊

見寧波府志



箭魚

箭魚卽江湖鱗魚洩出者最大甘肥異常腹下細骨如箭鏃俗名箭魚味甘在皮鱗之交

見寧波府志

鯊魚

子多而肥夏初曝乾可以致遠郭璞江賦曰鱖鯊順而往還山海經註曰鯊狹薄而長大者長尺餘一名刀魚常以三月八月出故曰順時

見寧波府志

短魚

項縮而短爲鯊極美色微紅

見寧波府志

地青魚

尾有刺甚長逢物則撥之毒能中人色白者曰地白  
與魴相類又名邵陽魚鼠尾魚已上產象山

見寧波府志

### 青魚

出濟源形似鯉而背青色又頭中骨煮拍之可以製

器

見河南通志

### 鈎魚

狀類魴身少匾其唇甚長垂下數寸味皆在此故俗  
有喫着鈎魚唇不惜老婆禡之語

### 竹魚

其色如竹青翠可愛味亦佳

鵝毛脰

恩州出鵝毛脰乃鹽藏其味絕美其細如針郭義恭云小魚一觔千頭未之過也

見北戶錄

望魚

魏武四時食制曰望魚側如刀可以割草出豫章

嘉魚

按虞衡志嘉魚出梧火山下丙穴如小鱗魚多脂煎不假油蜀中丙穴亦出肥美相似

子魚

在莆田縣東北五十里迎仙橋下潭僅數百步所產

子魚極爲珍味

銀魚

大者如指春生梅溪中杜子美所謂天然二寸魚者是也

鯽魚

卽鮓肉厚而美性不食釣或曰其初稷米化之故其腹尚有米色

黑魚

一名鱧其首戴星夜則北向古傳工蠮蛇所變亦有相生者

鰻鱓魚

無鱗白腹似鱈而大焚其煙氣可辟蠹

鱣

鱣似魴而大頭魚之不美者故語曰買魚得鱣不如  
噉茹徐州謂之鱣

興州有一處名雷穴水常半穴每雷聲水塞穴流  
魚隨流而出百姓每候雷聲繞樹布網獲魚無限  
非雷聲漁子聚鼓擊於穴口魚亦輒出所獲半於  
雷時韋行規爲興州刺史時與親故書說其事  
視鵠制柁觀魚制帆

南海大蟹

近世有波斯常云乘船泛海往天竺國者已六七度其最後船漂入大海不知幾千里至一海島中見胡人衣草葉懼而問之胡云昔與同行侶數十人漂沒唯已隨流得至於此因爾採木實草根食之得以不死其衆哀焉遂船載之胡乃說島上大山悉是車渠瑪瑙玻瓈等諸寶不可勝數舟人莫不棄已賤貨取之既滿船胡令速發山神若至必當懷惜於是隨風挂帆行可四十餘里遙見峰上有赤物如虵形久之漸大胡云此山神惜寶來逐我也爲之柰何舟人莫

不戰懼俄見兩山從海中出高數百丈胡喜曰此兩山者大蟹螯也其蟹常好與山神鬪神多不勝甚懼之今其螯出無憂矣大虵尋至蟹許盤鬪良久蟹夾虵頭死於水上如連山船人因是得濟也

蟹

俗呼爲蟹圓臍者牝尖者牡也經霜則有赤膏俗呼母蟹亦曰赤蟹無膏曰白蟹有子者曰子蟹本草以蟹性敗漆燒之致鼠

見寧波府志

淮南人藏蟹鹽酒不沙凡一器數十蟹以皂筴半挺置其中則可藏之經歲

鯨

形如覆斗其大如車青褐色十二足長五六寸尾長二三尺其殼堅硬腰間橫紋一線軟可屈摺每一屈一行尾尖硬有刺能觸傷人口足皆在覆斗之下海中每雌負雄漁者必雙得以竹編爲一甲鬻焉牝者子如麻子土人以爲醬或酢本草云牝牡相隨牝者背上有目牡者無目牡得牝始行牝去牡死韓退之詩鬻實如惠文骨眼相附行

淡菜

亦名殼菜形似珠母一頭尖中銜少毛號東海夫人



本草云形雖不典而甚益人

螺

多種掩白而香者曰香螺殼尖長者曰鑽螺味次之  
有刺曰刺螺其味辛曰辣螺有曰拳螺劔螺斑螺丁  
螺又有生深海中可爲酒杯者曰鸚鵡螺

螺亭

南康記南康有女採螺爲業夜宿亭上有風雨聲見  
衆螺張口而至亂噉其肉明日惟有骨在因號其地  
爲螺亭

琉球民間炊爨多用螺殼

蚌

蚌蜎候風雨能以殼為翅飛

蚌淚

江南徐知諤嘗得畫牛一軸畫則嚼草欄外夜則歸  
卧欄中知諤獻後主煜煜持貢闕下太宗張後死以  
示群臣俱無知者僧錄贊寧曰南倭海水或咸則灘  
積微露倭人拾方諸蚌腊中有餘淚數點得之和色  
着物則晝隱而夜顯沃焦山時或風撓飄擊急有石  
落海岸得之滴水摩色染物則晝顯而夜晦諸學士  
皆以為無稽寧曰見張騫海外異物記後杜鎬檢三

館書目果見於六朝舊本書中載之

章巨

大者名石拒居石穴人或取之能以脚粘石拒人故名亦曰章舉形如大箕袋八足長及二三尺足上戢戢如釘每釘有竅又別一種小者生海塗中名望潮身一二寸足倍之土人呼塗蟾又一種曰鎖管脚短而無釘

見寧波府志

江瑤柱

以桂爲珍東坡蘇軾有傳產奉化

見寧波府志

海月

形圓如月亦謂之海鏡土人鱗次之爲天窓謝靈運  
詩掛席拾海月定象同

蠣房

形如駝蹄又如拳附巖石生塊礪相連如房故名道家  
以左顧者是雄故名牝蠣右顧則牝礪一名蠓山  
晉安人呼爲蠓莆初生才如拳石四面漸長有一二  
丈巖巖如山每房內有蠓肉一塊亦有柱肉之大小  
隨房廣狹每潮來則諸房皆間有小蟲入則含以充  
腹鮫琦海巖生者僅如人指面挑取肉謂之梅花蠣  
扈竹結成謂之竹蠣

見寧波府志

車螯

殼厚亦蛤類生海中殼可制竒器歐陽公詩有云璨  
璀璨水玉斑瀾點生花美此物也

見寧波府志

沙噀

塊然一物如牛馬腸臟頭長可五六寸許胖軟如水  
蟲無首無尾無目無皮骨但能蠕動觸之則縮小如  
桃栗徐復擁腫土人以沙盆搽去其涎腥雜五辣煮  
之脆美爲上味

見寧波府志

郎君子

謹按異志云生南流有雄雌青碧色狀如杏仁欲驗

真假先於口內含令熟然後放醋中雄雌相趨遂巡  
便合卽下其卵如粟粒狀真也主婦人難產手把便  
生極有驗也乃是人間難得之物

相思子

相思子生于海中如螺之狀而中實若石焉大比豆  
粒好事者藏置篋笥積歲不壞亦不轉動若置醋一  
盂試投其中遂移動盤旋不已亦一奇物也

鯧

鯧大鯧鯧大者出海中長二三丈鬚長數尺今青州  
呼鯧魚爲鯧

有丹蝦長十丈鬚長八尺有兩翅其鼻如鋸載紫  
桂之林以鬚纏身急流以爲栖息之處馬丹嘗折  
蝦鬚爲杖後棄杖而飛鬚化爲丹亦在海傍

蝦頭杯

南越志曰南海以蝦頭爲杯須長數尺以金銀鏤之

玳瑁

狀類龜而殼稍長其足有六後兩足無爪

貝

貝卽璣瑁也說文云貝海介蟲也其甲人之所寶古

人以爲泉貨交易

見通志  
昆蟲略

龜

龜之類多爾雅一曰神龜二曰靈龜三曰攝龜四曰寶龜五曰文龜六曰筮龜七曰山龜八曰澤龜九曰水龜十曰火龜神龜龜之最神者靈龜本草謂之秦龜亦曰觜螭其甲有文似瑇瑁而差薄耳故名鼈皮此龜一名螭螭俗呼靈螭能鳴多出涪陵其甲可以卜攝龜小龜也一名嚶龜一名來蛇龜好食蛇故亦謂之呷蛇龜郭云腹甲曲折解能自張閉江東呼爲陵龜或言此龜乃蛇所化故頭尾似蛇俗呼鼈龜卽此寶龜傳國者所寶文龜甲有文彩者河圖曰靈龜



負書丹甲青文筮龜常在著叢下者龜策傳曰著蒲  
百莖其下必有神龜守之山澤水火之龜皆其所生  
之處也火龜蓋生於火者亦猶火山國所出火鼠是  
也郭氏謂物有含異氣者不可以常理推龜溺醫家  
謂之石腦油最難得惟以鑑照之龜見影則失溺急  
以荷葉承之又法以紙炷火上煖熱以點其尾亦致  
失溺

見通志  
昆蟲略

### 財歸

史記曰天下得名龜者財歸之富至千萬一日此斗  
二曰南辰三曰七星四曰八風五曰二十八宿六曰

臣七曰月八曰九州九曰王龜有文牋下必滿尺二寸人若得七八寸者可寶之

能言龜

元封三年數過國獻能言龜一頭長一尺二寸盛以青玉匣廣一尺九寸匣上豁一孔以通氣東方朔曰唯承桂露以飲之置於通風之臺王欲往卜命朔而問焉言無不中

鼈

一名神守水居陸生其聽以目

海牛

出文登海中長丈餘紫色無角龜足鮎尾性捷疾見人則飛入於海其膏可以燃燈其皮可以爲弓韃矢房

海驢

出文登海中狀若驢常於秋月登島產乳其皮製爲雨具水不能潤

海豹

出寧海其大如豹文身五色叢居水涯常以一豹護守如鴈奴之類其皮可飾鞍褥

水麋

天寶中虞人獲水麝臍香皆水也每取以針刺之香氣倍於肉麝

### 脉望

何諷嘗於書中得一髮捲規四寸許如環之無端用力絕之兩端滴水提於火作髮氣莫知其何物也後與方士言嘆曰君不見仙命也此名脉望蠹魚三食神仙字則化於此夜持向天從規中望星星便立降可求丹度世也

### 鸞蜂窠

貞元八年吳明國貢鸞蜂窠云其蜂之聲有如鸞鳳

而身被五彩大者可重十餘觔爲窠於深巖峻嶺間  
大者占地二三畝國人採其蜜不逾二三合如過度  
卽有風雷之異若螫人生瘡以石上菖蒲根傳之卽  
愈其色碧貯之於白玉椀表裏瑩徹如碧琉璃久食  
令人長壽顏如童子髮白者應時而黑逮及沉痾眇  
跛無不療焉

黃蠟白蠟

黃蠟蜂蠟也凡蜂作窠皆結房房中藏蜜絞取蜜而  
房則成蠟也白蠟者蟲蠟也其蟲作繭樹枝上每繭  
藏蟲百數細如絲髮此爲種子秋冬剪取而藏之及

春將種子縛置樹上蟲出繭食樹津液因而放蠟漫  
注于枝柯及成剝取而烹煉之其白如雪故曰白蠟  
其樹卽今冬青樹也樹嫩放蠟尤宜本草謂黃蠟煉  
成白蠟此蓋未之識也抑豈醫家所用者或然歟白蠟  
建寧  
出產

蜜啣

惠州士人取鼠未生毛開眼者飼以蜜筋挾而食之  
猶啣啣聲故謂之蜜啣

守宮

東方朔傳置守宮孟下師古曰守宮蟲名也術家云

以噐餐之食以丹砂蒲七觔擣治萬杵以點女子體  
終身不滅若有房室之事則滅矣言可以防閑淫逸  
故謂之守宮

蜴

詩詁守宮蜥蜴二物蜥蜴尾通於身如蛇而加足有  
黑色者有青綠色者常居草間守宮褐色四足有尾  
偃伏壁間故名蜥蜴亦謂守宮常在屋下也

碎車蟲

碎車蟲狀如唧聊蒼色好栖高樹上其聲如人吟嘯  
終南有之

蜘蛛

蜘蛛道士許象之言以盆覆寒食飯於暗室地上入夏悉化爲蜘蛛

異蟲

異蟲温會在江州與賓客看打魚漁子一人忽上岸狂走温問之但反手指背不能語漁者色黑細視之有物如黃葉大尺餘眼遍其上齧不可取温令燒之方落每對一眼底有紫如釘漁子出血數升而死莫有識者

蛺蝶



蛺蝶一名野蛾一名風蝶江東呼爲達末色白背青者是也其大如蝙蝠者或黑色或青斑名爲鳳子一名鳳車名鬼車生江南柑橘園中

蟻

牛亨問曰蟻名玄駒者何也答曰河內人並河而見人馬數千萬皆如黍來遊動往來從旦至暮家人以火燒之人皆是蚊蚋馬皆是大蟻故今人呼蚊蚋曰黍民名蟻曰玄駒也

曰蟻聞竹雞之聲化爲水竹雞自呼泥滑滑是也

蟬

牛亨問曰蟬名齊女者何答曰齊王后忿而死尸

貂蟬

貂蟬胡服也貂者取其有文采而不炳煥外柔易而  
內剛勁也蟬取其清虛識變也有位者有文而不自  
耀有武而不示人清虛自牧識時而動也

冷蛇

明皇以中王畏暑賜之冷蛇白色而不傷人冷如冰  
雪玩之不復有煩熱也

率然

率然巨蛇也物觸之中首則尾至中尾則首至中其  
中則首尾俱至故孫子以比將之三軍

骨咄犀

骨咄犀蛇角也其性至毒而能解毒蓋以毒攻毒也  
故曰蠱毒犀唐書有古都國必其地所產今人訛爲  
骨咄耳

白花蛇

雖有黔土惟取蘄州頭長小角鋒尾生佛指甲項透  
真珠白點背纏方勝花紋因而得名觀之猶異諸蛇  
鼻生向下此獨鼻向上生

一名寒鼻蛇

諸蛇死閉眼睛是

則眼開如活舒靳連界上殺獲兩眼則一閉一開驗此可辯僞真據理誠難解悟性毒善蝥人足中者輒自斷之補養已痊木接代步

岑樓慎氏日乾寧記恐非也

### 蝥蛇

大者如柱長稱之其膽入藥南人腊其皮刮去鱗以鞞鼓蛇常出逐鹿食寨兵善捕之數輩蒲頭插花趨赴蛇蛇喜花必駐視漸近競拊其首大呼紅娘子蛇頭益俛不動壯士大刀斷其首衆悉奔散遠伺之有頃蛇省覺奮迅騰擲傍小木盡拔力竭乃斃數十人昇之一村飽其肉

山中產蚺蛇大者長十餘丈能逐鹿食之土人捕法採葛藤塞蛇穴徐入以杖蛇嗅之卽靡乃發穴出蛇繫於葛繩嚮而烹之極腴售其膽獲價甚厚其脂着人骨輒軟及能萎陽終身不舉食鹿骨角隨腐本草諸書皆所未載余甚異之今江南得其皮以爲樂器刀劍之飾

蚺蛇牙

南齋異物志曰蚺蛇牙長六七寸土人尤重之云辟不祥利遠行賣一枚直牛數頭

蚺蛇膽

陶隱居云此蛇出晉安大者三二圍在地行住不舉頭者是真舉頭者非真 圖經曰此物極多偽欲試之剔取如粟米許箸淨水上浮游水上回旋行走者爲真其徑沈者諸膽血也試之不可多多亦沈矣膏之真者礫礫如梨豆子他蛇膏皆大如梅李子此爲別也

金齒鱗蛇膽

蛇長丈餘四夏秋入水傷人冬春蟄石穴中土人殺而食之取其膽治惡瘡解大毒甚貴重之黃鱗爲上黑鱗次之

九頭蛇精

真臘富國之中有金塔一座傍有石塔二十餘座石屋百餘間東向金橋一所金獅子二枚列于橋之左右金佛八身列于石屋之下金塔至北可一里許有銀塔一座北金塔更高望之鬱然又北一里許則爲王宮其正室之瓦以鉛爲之屋頭壯觀脩廊複道突兀參差其蒞事處有金窓櫺列鏡四五十面王宮之中又有金塔王夜則卧其上土人皆謂塔之中有九頭蛇精乃一國之土地主也係女身每夜則見王先與之同寢交媾雖其妻亦不敢入二鼓乃出方可與

妻妾同睡若此精一夜不見則蕃王死期至矣若王  
一夜不往則必獲災禍

理耨虵

大唐貞觀二十一年其國屬獻理耨虵形類鼠而色  
青身長八九寸能入穴取鼠

鼯鼯

鳥鼠同穴其鳥爲鼯其鼠爲鼯鼯如人家鼠而短尾  
鼯似鷄而小黃黑色入地三四尺鼠在內鳥在外今  
在隴西首陽縣鳥鼠同穴山中孔氏尚書傳云共爲  
雌雄張氏地理記云不爲牝牡



沙磧鼠

于闐西有沙磧鼠大如蝟色類金出入群鼠爲從

鼯鼠夷由

狀如小狐似蝙蝠肉翅翅尾項脅毛紫赤色背土蒼  
艾色腹下黃喙頷雜曰脚短爪長尾三尺許飛且乳  
亦謂之飛生聲如人呼食火烟能從高赴下不能從  
下上高

鼯鼠

光武時有得豹文之鼠問群臣莫知惟竇攸曰此鼯  
鼠也詔問所出曰見爾雅驗之果然詔公卿子弟就

攸學爾雅

紅飛鼠

多出交趾及廣管隴州皆有深毛茸茸然唯肉翼淺  
黑色多雙伏紅蕉花間採捕者若獲一則其一不去  
南中婦人買而帶之以爲媚藥

磳鼠

北方層冰萬里厚百丈有磳鼠在冰下土中其形如  
鼠食草木肉重千觔可以作脯食之已熟其毛八尺  
可以爲褥卧之却寒其皮可以蒙鼓聲聞千里其毛  
可以來鼠此尾所在鼠聚今江南鼠食草木爲災此

類也

碩鼠

毛詩曰碩鼠碩鼠無食我黍詩義疏曰樊光謂卽爾雅鼯鼠也許慎云鼯鼠五伎鼠也今之河東有碩鼠人能人立前兩脚於頭上跳舞善鳴食人禾稼逐則走入樹空中亦有五伎或謂雀鼠其形大故叙云石鼠也魏今河東北縣也詩言其方物宜謂此鼠非今大鼠又不食禾苗本草又謂螻蛄為石鼠亦五伎古今方土名蟲鳥物異名同故記也

齒鞍

魏志太祖馬鞍爲鼠嚙廋吏懼死澄王沖曰汝待三日當報沖以刀穿衣如鼠嚙遂失意貌有憂色太祖曰妄言耳俄而庫中以報嚙鞍太祖曰衣在側猶被嚙况鞍懸於柱乎乃免

### 求某氏鼠

永有某氏拘忌以巳生歲直子鼠子神也因愛鼠不畜猫犬禁僮勿擊由是鼠相告皆來某氏飽食而無禍某氏室無完器櫛無完衣飲食大率鼠餘也數歲某氏徙居他州後人來居鼠爲態如故假五六猫闔心撒尾灌穴捕之殺鼠如丘嗚呼彼以飽食無禍爲

富也哉